

Ish-presidenti i Gjermanisë, Christian Wulff, ka deklaruar se Turqia po bëhet një nga ekonomitë më të mëdha në botë dhe kjo duhet të pranohet, raporton Anadolu Agency (AA).

"Miq të mi gjermanë ndoshta nuk do të jenë të lumtur kur do ta dëgjojnë këtë, por duhet ta pranojmë zhvillimin e Turqisë. Pasi që kompanitë gjermane luajtën një rol të rëndësishëm në zhvillimin e Turqisë, duhet të jemi të kënaqur me suksesin e Turqisë", deklaroi Wulff në një konferencë të organizuar në Stamboll nga Universiteti Baskent dhe Fondacioni Konrad Adenauer.

Duke iu referuar aeroportit të ri të Stambollit, i cili u hap vjeshtën e kaluar dhe është planifikuar të jetë një pikë lidhëse e re madhështore, ish-presidenti gjerman tha se "Ne duhet ta shohim dhe ta pranojmë se aeroporti më i madh (në botë) do të jetë në Stamboll".

Wulff theksoi se Turqia po ndërton rrugë dhe tunele ndërkohë industria e vendit po zhvillohet dhe vendi po bëhet një nga ekonomitë më të mëdha në botë.

Ai tha se në Stamboll ndihet si në shtëpi. Wulff citoi thënien e Napoleonit: "Nëse bota do të ishte një vend i vetëm, kryeqyteti i saj do të ishte Stambolli".

59-vjeçari Wulff, ish-anëtar i Unionit Kristian Demokratik (CDU), ishte president i Gjermanisë nga viti 2010 deri në vitin 2012.